



UNIVERSITÄTS-
BIBLIOTHEK
PADERBORN

Universitätsbibliothek Paderborn

Cursus Theologiæ Polemicæ Universæ

Pichler, Vitus

Augustæ Vindelicorum, Anno MDCCXIII.

Corollaria, sumnum Lutheranis præjudicium afferentia.

urn:nbn:de:hbz:466:1-39374

COROLLARIA,

Summum Lutheranis præjudicium afferentia, & ex proprijs eorum principijs, quæ explicata sunt in hac Parte posteriore, desumpta.

EX hac tenuis disputatis, & ipsorum Lutheranorum principijs fideliter adductis clare

Colligitur 1. Lutheranos omnes constanter esse peccatores, pœnâ aeternâ dignos, Deique inimicos. 1. Propter peccatum Originale, quod constanter in ipsis manet. 2. Quia constanter peccant in omni opere p. 440. 441. omne autem peccatum ex natura sua est mortale, aeternâ pœnâ dignum &c. p. 428. Imò motus concupiscentiae etiam involuntarij, in somno, in infantia, in amentia &c. orti, sunt ex se peccatum mortale p. 427. quibus tamen carere in hominis potestate non est. 3. Quia mandata DEI, quæ semper obligant, observare non possunt, præsertim mandatum dilectionis, & mandatum *non concupisces*. p. 421. seq. 4. Quia peccatum personale, semel commissum, apud ipsis nunquam verè tollitur, sed tantum tegitur, ita ut non imputetur. Sed ne hinc excipient,

Collig. 2. Lutheranos esse tales peccatores, quibus peccata imputentur. 1. Quia quocunque peccatum, cum advertentia & scienter commissum, reatus facit similes non-renatis & infide-

libus p. 428. Atqui non-renatis omnia peccata imputantur. ibid. Lutherani autem sape utique peccant cum advertentia, scienter &c. Imò, cum omne opus, utut bonum videatur, sit *avepta* seu peccatum p. 441. & utique sua opera Lutheranii faciant scienter & cum advertentia &c. dum vigilant & sapiunt, fieri non potest, ut non peccent cum advertentia &c. 2. Quia DEUS non potest non imputare peccatum illi, in quo est peccatum. p. 431. 437. 442.

Collig. 3. Lutheranos esse gravissimos peccatores, quia (ut alia dissimillem) sunt blasphemii; dicunt enim 1. DEUM præcipere nobis aliqua, quæ tamen scit nobis esse observatu impossibilia; quod est imprudentis p. 416. 2. DEUM nihilominus transgressoribus horum præceptorum minitari & infligere pœnam aeternam atrocissimam, latrem non-renatis; quod est tyranni. 3. Homini infideli ad credendum, peccatori ad resurgendum, deesse libertatem, eosque prorsus nihil posse cooperari oblatæ gratia Divina p. 406. & sic DEUM faciunt auctorem peccati infidelitatis & impenitentie, eum DEUS solus in causa sic, *qui infidelis non credit*.

dat, peccator non resurgat, & sic uterque aeternum daminetur &c.

Collig. 4. Lutheranos ex peccatis non posse fieri justos. 1. Quia non possunt habere illam fidem specialem seu fiducialem, per quam solam se dicunt justificari. p. 474. 2. Quia nemo potest ex peccatore fieri justus per peccatum, & quidem cum advertentia commissum: sed credere, sibi esse remissa peccata (quo actu le justificari dicunt) nullus potest sine peccato; cum illa Fides nunquam tam firma & perfecta sit, ut non deberet esse perfectior & firmior. p. 441. Qui defectus *avopia* seu peccatum est p. 421. Nam nullum DEI preceptum (cujusmodi utique etiam est mandatum Fidei) ita perfecte impleri potest, quantum DEUS obligat p. 416. Quod autem hoc peccatum & defectus imputari debet, patet inde; quia Fides utique scienter, & cum advertentia elicetur. 3. Quia nulla potest dari Fides justificans sine bonis operibus, tanquam signis & effectibus verae Fidei p. 469. Atqui apud Lutheranos non est possibile opus bonum. p. 441. 4. Quia Fides justificans Lutheranorum supponit, & non supponit remissionem peccatorum: ergo implicat. Supponit, quia remissio peccatorum est objectum hujus Fidei, cum homo justificandus credat, *sibi remissa esse peccata*: non supponit, quia primum obtinet remissionem peccatorum. 5. Quia nemo potest esse justus justitia aliena sibi tantum extrinsecè imputata, & quæ parum, ac nemo pulcher esse queat pulchritudine aliena, in se non re-

cepta, sed tantum extrinsecus imputata: atqui Lutherani dicunt se justificari Justitiâ Christi tantum extrinsecus imputata p. 463.

Collig. 5. Lutheranos à suis Ministris non absolvî à peccatis. 1. Quia non habent Ministros legitimè vocatos & ordinatos, adeoque potestate absolvendi præditos &c. p. 650. 2. Quia solum annuntiant contritis & credentibus, peccata ipsa esse remissa, p. 609. 3. Quia ante absolutionem (vel potius annuntiationem) requiritur in penitente Fides, qua firmiter credat, sibi esse remissa peccata: vel igitur verè credit penitens, vel non? Si verè credit, per Fidem remissa sunt ipsi peccata, non per Absolutionem: si non verè credit, Absolutio nulla est, utpote data indisposito, & hypocrite. 4. Quia absolvens deberet penitenti in specie (vel potius in individuo) annuntiare remissionem peccatorum, cùmque tertium reddere de ea obtenta: atqui hoc non potest, quia absolvens necit certò, an penitens ritè credat, sibi esse remissa peccata: sine qua Fide non remittuntur peccata.

Collig. 6. Lutheranos infrauctuos baptizari. 1. Quia remanet in ipsis peccatum originale per totam vitam, quod deberet tolli per baptismura. 2. Quia nullum remittitur peccatum sine actu Fidei specialis: sed actum Fidei non possunt elicere Lutherani, dum baptizantur; cùm baptizentur in infancia, ubi incapaces sunt elicendi actum intellectus, qualis ex natura sua est actus Fidei. p. 560.

Pppp

Collig.

R. P. Pichler Thol. Polonica

Collig. 7. Lutheranos non habere verum Eucharistiae Sacramentum. 1. Quia non habent Sacerdotes legitimè ordinatos & vocatos &c. Sine Sacerdote autem legitimè ordinato & vocato non potest fieri valida consecratio panis & vini, cùm solis Sacerdotibus data sit potestas consecrandi p. 643. Proinde panis, quem comedunt tanquam Sacramentum Eucharistie, non magis est consecratus, quām sarcimen, si ante hujus eius preces fundant; sicut enim sarcimen est materia consecrari impotens, utpote à Christo non deputata; ita Præco, aut quisvis alius Lutheranus, est persona consecrare impotens, utpote à Christo ad consecrandum non deputata, potestatem non habens &c. 2. Quia Christus nunquam est Sacramentaliter præsens; non enim est præsens istam post consecrationem, neq; in actuali distributione, neq; primum in actuali manducatione, tū fatentur p. 578. Neque in his simul sumptis, cùm sic Christus debaret fieri præsens suæcessivè, & quasi per frusta, & partes formati instar embryonis vel fœtus in utero; quo nihil absurdius. 3. Quia verba, quibus confici debet Eucharistiae Sacramentum, habent sensum chymaticum, scilicet hunc, *hic Panis est Corpus Christi &c.* Utique enim implicat, panem esse Corpus Christi, si panis esse perseveret. p. 572.

Collig. 8. Lutheranos non esse bonos bonitatem supernaturali, DEO placente, & ad salutem æternam conducente. 1. Quia nullam habent justitiam sibi intrinsecam p. 463. seq. 2. Quia perseverant esse peccatores post

baptismum & pœnitentiam, ut vidi-mus, licet dicant sua peccata regi um-braculō meritorum Christi. 3. Quia peccata, in quibus semper sunt, ipsi imputantur, ut dictum suprà. 4. Quia nullum opus spiritualiter bonum internum possunt facere, propter quod essent laudabiles coram D E O, ex de-fectu libertatis indifferentie p. 406. 5. Quia in rebus omnibus peccant, consequenter in multis saltē cum ad-vertentia & scienter, atque si peccant mortaliter, proinde perpetuò sunt si-miles non-renatis: non-renati autem nullam habent in se bonitatem, vi cuius D E O placeant &c. 6. Quia non satis absterrentur à peccatis, etiam majoribus; cùm prorsus facilem, & ex-qualement statuant pœnitentiam pro pat-vis & magnis peccatis, scilicet Fidem (& forte etiam terrores conscientiæ pœnam æternam tam levibus quam magnis peccatis juxta ipsos intentantis) 7. Quia nullum possunt facere opus ve-re bonum, Deoque placens: quippe opera supererogatoria non admittunt p. 443. Illa autem, quae sunt sub præcep-to, facere nequeunt; cùm nullum præceptum perfectè, ita ut peccatum non fiat, observare possint. p. 416. &c.

Collig. 9. Lutheranos non posse sal-vari. 1. Quia constantē peccatores sunt, & quidem graves, talesque, qui-bus peccata imputantur &c. ut ostendit est. 2. Quia non possunt fieri justi, vere absolvī à peccatis, nec reddī intrinsece boni, Deoque placentes &c. ut par-tet dictum. 3. Quia nullum manda-tum DEI (consequenter nec Fidei, per qua-

quam se ajunt justificari) perfectè & si-
ne peccato observare possunt: qui au-
tem non observant mandata DEI sub
amissione æternæ salutis obligantia, uti-
que non possunt salvari, eò quod cor-
ditionem à DEO requisitam non im-
plement: *Si vis ad vitam ingredi, ser-
va mandata.* March. 19. 4. Quia
nullus potest salvari, nisi Fide speciali
absoluta & in particulari se salvandum
credat p. 479. Atqui hoc Lutheranus
est impossibile, cum nihil possit abso-
lutè & in particulari credi Fide Divina,
quod absolutè & in particulari revela-
tum non est. Jam afferant Lutherani
particularem & absolutam revelationem
Divinam, se singulos in particu-
lari, vel aliquem in individuo esse sal-
vandum &c.

Haec sufficere puto ad evidenter de-

monstrandam Sectæ Lutheranæ tum
absurditatem tum falsitatem. Sicui
tamen necdum sufficienter, facile erit
plura hujusmodi corollaria ex dictis de-
ducere, cujusmodi v.g. esset etiam hoc:
Quisquis tenet opiniones privatas con-
tra Ecclesiam Catholicam, eisque per-
tinaciter defendit pro dogmati Chri-
stianis, ille verus Christianus non est:
hoc faciunt Lutherani, ut ostensum est
per totum librum: ergo veri Chri-
stiani non sunt. Major est ipsorum;
nam Gerardus de Minis. Eccles. §. 370.
in LL. Theol. Sic definit heresim: *He-
resis est privata aliqua opinio, quam
quis pro dogmate Christiano & Fide
Catholica sibi amplectendam elegit,
eamque pertinaciter de-
fendit.*

